

Hylli i Dritës

Ubi Spiritus Domini, ibi libertas.

(II ad Cor. III, 17-)

1. Kisha Katolike kë trajtue kulturen okcidentale	Fq. 145
2. Statuti Shqyptar	154
3. Parandiesi e Telepati	165
4. Hydrogafi	172
5. Kanuni i Lekë Dukagjinit	176
6. Lajme	183
7. Bibljografi	192

Posta e jonë.

Wien. Dr. J. — Kemi me bâ gjith si na lypët. U falena nderës per libra. Presim me dishir bashkëveprimin t'uej e të zotnive tjerë. Do t'u shkruejmë shpejt.

Nice. Dr. T. — U falena nderës per dorëshkrim, të cillin kemi uzdajë se kemi me e botue në Numrin e ardhëshem. Ju kemi shkruë.

Konstantinopel. P. C. — U kemi dergue çka disbroni e jau kemi çue falë. Kemi me u mundue me gjetë edhe ndonji liber tjetër.

Tiranë. M. A. — Na kemi çue gjithçka rregullisht e nuk e dim se deri kuer mund të vijojmë tuj çue ka dy herë një numër. E numrat duken se kan mrrijtë, qysh se ankimi s'a bâ me kohë e per sa Numra qi hupin Drejtimi nuk ka si me çartë koleksjonet e veta.

Tiranë. Z. M. — Kemi marrë paret e u falena nderës. „Zânin“ nuk jau kemi dergue per të vetmen arsye se nuk e kemi lypë. Do t'u çojmë numrat e kësajë vjetë.

Tiranë. R. T. Muerem pajtimin e u falena nderës. Sa per çka lypni, mundeni me kqyrë syprinen e „Hyllit“ në të tretën faqe të Frorit të simjetshem.

HYLLI I DRITËS

Vjeta IV.

PRILL 1923

Numri IV.

Kisha Katolike kà trajtue kulturen okcidentale.

1. Shakllabanat afetarë të Shqypnis.

Do kulima, ngrehaluca të kqi — dje dalë prej shpergâjsh: do pseudo-profesora e pseudo-doktora, analfabeta e semi-analfabeta, ngallitë neper „kursa të shpejtë“ si kpurthat në shi: do ftyrë-fudulla vagabondash, sallahanash e derbedera muhaxhirësh, nenshtetas adoptiv të Shqypnis — pak e aspak Shqyp-tarë — e llaca të zdraluem logjash masonike: kshtû edhë njadisà nder atà teneqexhit, kallajxhit, hallvaxhit, ndalbanat, kasapët, ma-trapaxat, qi sod me sod, me gjith kta qi po kà qesàt punet, atà po kan fatin e bardhë me rrue petlla e pogaçë, na janë ngrefë per ok-cidentala të lmuem e të pipiriquem, e pa pasë kurnji vehi ok-cidentalizmit m' vedi, posë nji kravatet — si bisht micet të per-cullueme — qi u vjen per rreth fytit, në vend t' atij konopit të karmanjolles, prej të cillit s' dihet si e shûma e tyne kà mujtë me pshtue... na pshtÿejn n' e djathten e t' errmakten fjalë të mdhaja kulturet e perparimit, thue se vertë kta kan prekë qiellen me dorë per kah msimi e dija. Ardhtë prej shkretivet të zharrituna t' Azis, na flasin mbi liri; dalë prej bordelave mâ të poshterm t' Europës, na predikojnë moralin; kan çue per treg disa arka vojgurit ngarkue me voë në Bari, Trani, Brindisi, Ostuni etr. a se kan bartë ndonji strajcë korona serm kontrabandë, e na mbahen

